

插图本中国古代史料集成

(第一輯)

四一

綫裝書局

欽定大清會典圖卷十

禮十一 祀典十一

日壇圖


日壇位次圖

日壇陳設圖


月壇圖

月壇位次圖

月壇陳設圖



日壇圖



日壇在朝陽門外東郊當都城卯位制方西嚮一成方五丈高五尺九寸壇面甃金甃四面出陛皆白石各九級壇圓周七十六丈五尺高八尺一寸厚二尺三寸內外丹雘正西三門石柱六東南北各一門石柱二楔闕皆石朱扉有櫺壇西階上壇西門內鼎鑑各二西門外南瘞坎一鐵燎鑑一北嚮壇北門外之東。

神庫三間西嚮

神廚三間南嚮均一出陛各三級井亭一四面開以朱櫺南嚮垣一重門一西嚮其北為宰牲亭

三間。垣一重。門一。西嚮。墮北門外直北為祭器庫。樂器庫。校薦庫。各三間。聯檐通脊。均南嚮。墮西門外之北為


具服殿。三間。南嚮。一出陞五級。左右配殿各三間。東西嚮。一出陞皆三級。周衛宮牆宮門三間。左右門各一。均南嚮。鐘樓一。在其東。壇垣前方後圓。周二百九十丈五尺。兩面用甃。鋪砌。西門北門各三間。西門外直西建柵欄門三。照壁一。北門外照壁一。西角門一。西北為景升街牌坊。坊前界以朱柵。長十有五丈。街左右牆各一。外圍

牆西自坊西抵壇垣西南隅長三百八十二丈
四尺東自坊東抵壇垣東北隅長三百十二丈
四尺其甬路由景升街而南折而東南達壇北
門門以南折而西而北達

具服殿直南達

神路。墮北門外北達祭器庫折而東達宰牲亭。達
神庫其覆瓦均用綠色琉璃外垣覆瓦用青色琉
璃綠綠

日壇位次圖



欽定大清會典圖

日壇西嚮壇上正中

大明神座西嚮不設帷座前懷桌一。蓮豆案一。東南隅饌桌一。中間少北祝案一。西嚮南尊桌一。接桌一。福胙桌一。北接福胙桌一。東階下正中設龕一。以備風雨。左右長竿各一。二人執之以禦飛禽。四樞星門西北至天門內正中各設香案一。西階上正中帷次為

皇帝拜位。東嚮贊引對引各一人。太常寺司拜牌司拜褥各一人。分立左右。南北面。司香一人。司玉帛一人。司爵一人。贊福胙官一人。立南案之南。

北面讀祝官一人立北案之西南面捧福酒福
胙光祿寺卿二人立司香之後北面接福酒福
胙侍衛二人立讀祝官之後南面侍儀禮部尚
書一人侍郎一人立南案之西北面都察院左
都御史一人副都御史一人樂部典樂一人立
北案之西南面壇下為陪祀王以下公以上拜
位左右各二班均東嚮典儀一人立西階之南
北面記注官四人立於北南面引禮鴻臚寺官
二人糾儀御史二人禮部司官二人分立於王
公拜位左右司樂協律郎樂工歌工分立於樂

懸之次均南北面。樂舞生文武八佾分行序立。
傳贊官二人。循墻立。南北面。墻西門外為陪
祀百官拜位。左右各五班。均東嚮。引禮鴻臚寺
官二人。糾儀御史四人。禮部司官四人。分立於
百官拜位左右。掌燎官率燎人立燎鑪之西南
隅。若遣官恭代行禮。墻西門內正中為承祭官
拜位。東嚮。不飲福受胙。王公不陪祀。不設福胙
桌。接福胙桌不用光祿寺侍衛。贊胙司拜牌司
拜褥及樂部大臣。記注官壇上糾儀。用禮部司
官四人。御史四人。階下不用鴻臚寺御史。禮部